

志卷四

翰林院編修孫星衍

同纂

偃師縣知縣湯毓倬

周記

湯陵在縣東八里

岳陽志洛州偃師縣東六里有湯冢近桐宮蓋此是也太平寰宇記偃師縣湯王陵坑在縣東北山上八里續一統志成湯陵在縣東北山上

星衍按湯冢有二一在商邱一在偃師漢書注臣瓚曰湯居亳今濟陰是也今亳有湯冢已氏有伊尹冢皆

相近也史記集解裴駰引皇覽曰湯冢在濟陰亳縣
北東郭去縣三里冢四方各十步高七尺上平處
平地濟陰亳縣卽今商邱也括地志云薄城北郭東
三里平地有湯冢按在蒙卽今亳也蒙亦商邱說與
臣瓚皇覽同又云洛州偃師縣東六里有湯冢近掘
官蓋此是也攷晉太康地記云尸鄉南有亳坂東有
城太甲所放處雖不言湯冢而太甲所放實于湯葬
地是晉時已有湯陵爲在偃師者故魏王泰特引而
官証之非無據矣蒙縣之冢水經注謂之王子喬冢
冢則有碑題云仙人王子喬碑則臣瓚皇覽之

西亳湯都所在則葬處亦宜不

雖漢人不言自可因太康地記尸鄉有城太甲所
處求之若諸譌傳之湯冢一在右扶風徵皇覽所
漢哀帝建平元年大司空御史長卿按行水災因行
湯冢在漢屬右扶風云云水經辨其爲秦之亳王號
湯者是已一在寶鼎太平寰宇記據後魏太和中
縣人張恩破陵求貨得銘云云乃是小說家言更與
史傳不合一在虞城後人以桐宮卽桐地遂云湯陵
在是尤委巷之談一無証據者矣今祭汾陰湯冢者
蓋承宋乾德四年祀典之舊卽寶鼎之冢古聖王精

靈無所不在雖非葬處以爲祠焉可也若攷書傳所云則當以在商邱及偃師者爲是商邱之冢猶或辨爲王子喬所葬惟偃師東北山所謂湯陵者去城七八里古冢巍然樵夫牧豎皆指爲湯王葬處云

中宗陵在縣東

史記帝太戊立亳有祥桑穀並生於朝一暮大拱又云殷復興故稱中宗

星衍按通志中宗陵在城東疑卽殷中宗後人譌爲唐中宗者攷商自湯遷西亳外丙仲壬太甲沃丁小甲雍已太戊皆都於是太戊時亳有祥桑

文帝正是其証太戊子仲丁始遷於隰則其時
父老相傳或得其實也

文帝陵在縣北二十五里首陽山

魏志黃初三年冬十月甲子表首陽山東爲壽陵七
年六月戊寅葬首陽陵

太平寰宇記偃師縣魏文帝陵在首陽山南

通志在縣城北二十五里首陽山

文帝郭后陵

魏志后妃傳文帝郭皇后終於許昌以終制營陵三
月庚寅葬首陽陵西

唐孝敬皇帝太子宏陵在縣南景山上

劉昫唐書高宗紀上元二年秋七月辛亥洛州復緱氏縣以管孝敬皇帝恭陵

又列傳孝敬皇帝宏高宗第五子也上元二年太子從幸合璧宮尋薨諡爲孝敬皇帝其年葬於緱氏縣景山之恭陵制度一準天子之禮高宗親爲制獻行紀并自書之于石樹于陵側

太平寰宇記緱氏縣有恭陵唐孝敬皇帝陵在縣東北五里

星衍按通志誤爲敬宗陵陝西通志又據長安志

宗葬在三元原駁之亦不知是太子宏陵今縣

云太子陵是也

昭宗和陵在緱氏鎮東北五里

劉昫唐書天祐元年八月壬寅朱全忠弑昭宗於椒
殿二年二月己酉葬於和陵

唐書地里志緱氏有和陵在太平山本懷來山天祐
元年更名

太平寰宇記緱氏縣唐昭宗陵在縣東北五里

古中宗陵在縣東或云唐中宗非也當在陝西富平疑
此是殷中宗

通志中宗陵在偃師城東

星衍按元和郡縣志云富平縣中宗定陵在縣西北五里龍泉側宋敏求長安志文獻通考亦同則云此者誤也太平寰宇記明一統志偃師亦無此陵近時方志之誤或以王弼冢當之據太平寰宇記弼墓當在縣南不在縣東但冢甚大非常所葬不何代陵耳攷商自湯都亳至帝仲丁始遷于微陽或是殷中宗大戊陵中宗時有祥桑穀生朝亦亳亳其葬卽在所都之地父老相傳或得其實事

商伊尹墓在縣西十里

武帝丁之時伊尹卒既葬伊尹于亳

志伊尹墓在洛州偃師縣西北八里

太平寰宇記偃師縣伊尹墓在縣西北五里

陽一統志伊尹墓在縣西

星衍按裴駟引皇覽云伊尹冢在濟陰己氏平利鄉
亳近己氏括地志又云宋州楚邱縣西北十五里有
伊尹墓恐非也楚邱卽古己氏當在今曹縣是伊尹
墓二處皆有依據無以辨之

商伯夷叔齊墓在西北二十五里首陽山

水經注河水又東逕平縣故城北河水南對首陽山

夷齊之歌所矣曰登彼西山上有夷齊之廟前有二碑並是以漢河南尹廣陵陳導洛陽令徐循與處士平原藺騰南陽何進等立事見其碑

明一統志伯夷叔齊墓在縣首陽山

接水經注稱偃師首陽山爲夷齊之歌所是卽其處也又云有漢碑則其說古矣而裴駟史記集解引馬融曰首陽山在河東蒲坂華山之曲河北之中水經注又云引闕駟十三州志曰獨頭山夷齊隱所山南有古冢陵柏蔚然攢茂邱阜俗謂之夷齊臺

謂蒲州之山張守節史記正義據莊子云伯夷

至岐陽見周武王伐殷云云謂是今渭源首陽
在岐陽西北明卽夷齊餓死處也又據曹大家注
通賦云夷齊餓於首陽山在隴西首陽是亦謂渭源
之山此三說者一本漢碑一由裴駙一推莊子之說
各有依據若因孟子云伯夷避紂居北海之濱謂是
遼西首陽其說最爲不經矣

周蓂宏墓在縣東十里化邨西北山上

史記集解皇覽曰宏冢在洛陽東北山上

明一統志蓂宏墓在縣境

星衍按皇覽云宏冢在洛陽東北山上今在偃師東

者疑魏已省偃師入洛陽晉始因之不可以此謂今
宏冢非實也今墓在化邨俗云以宏血化碧而名

浮邱冢

宋政和四年張挺碑記崧高之下曰緱氏山距山不
遠遺冢具存民俗傳爲浮邱藏劍之所

齊田橫墓在縣西十里

史記田儋列傳田橫廼與其客二人乘傳詣洛陽未
至三十里至尸鄉廐置遂自剄令客奉其頭從使者
馳奏之高帝發卒二千人以王者禮葬曰橫既葬
客穿其冢旁孔皆自剄下從之

史記正義齊田橫墓在偃師縣西十五里

太平寰宇記偃師縣田橫墓在縣西一十里

通志田橫墓在縣城西

比干墓在縣西北十五里或曰殷比干非也殷比干墓在汲縣

太平寰宇記偃師縣比干墓在縣西北一十五里

薛尚功鐘鼎欵識有比干銅盤銘云唐開元中偃師縣土人耕地得此盤篆文甚奇古

星衍按史傳俱云殷比干墓在汲縣有後魏碑碣存焉宋人因銅盤以爲在此又云鳳翔皆誤也或以偃

師比干墓爲是漢何比干庶幾近之故列於漢墓之後

後漢桓榮墓在縣首陽山

後漢書列傳榮卒帝親自變服臨喪送葬賜冢塋于首山之陽注首陽山在偃師縣西北

後漢祭遵墓

毓倬按後漢書遵卒無子帝追傷之以弟彤爲偃師長使近遵墳墓四時祭祀遵墓當在縣東西惜無可攷今存其名舊志載祭彤墓失攷亦不忘前哲之

也

也

蘇氏保北

蘇氏字記蘇氏縣百主墓在縣

脫字

十里後

行傳云周暢字伯持性仁慈爲河南尹永初二

夏旱久禱無應暢因收葬洛陽傍客死骸骨萬餘

于洛陽北

傳作洛陽傍客死骸骨凡萬餘人

應時澍雨歲乃登

傳作豐給

今墓有千數皆相類對列成行在洛城之東而北近洛水卽周暢之遺趾也今號百主墓

魏鍾繇墓在縣東八里

太平寰宇記偃師縣鍾繇墓在縣東八里

明一統志鍾繇墓在縣城東

魏王弼墓在縣南三里

水經注陽渠水又東逕毫殷南其澤野負原夾郭多墳隴焉卽陸士衡會王輔嗣處也袁氏王陸詩叙初入洛次河南之偃師時忽結陰望道左若民居之因往逗宿見一少年姿神端遠與機言元機服其小而無以酬折前致一辨機題緯古人綜檢名實此年不甚欣解將曉去稅駕逆旅姬曰君何宿而來東數十里無邨落止有山陽王弼墓機乃怪悵還昨路空野薶雲攢木蔽日知所遇者審王弼也太平寰宇記偃師縣王弼墓在縣南三里

一統志王彌在縣城西

星衍按今墓在縣城東太平寰宇記云在南者字之誤也童鉦據水經注云當在縣西尸鄉記言金元以後所立墓碑非其實也不知太平寰宇記已不言其在縣西矣

晉杜預墓在縣西十三里

晉書列傳預先爲遺令曰吾去春入朝因郭氏喪亡
隸陪陵舊義自表營洛陽城東首陽之南爲將來兆
域而所營中有小山上無舊冢其高顯雖未足比邢
山然東奉二陵西瞻宮闕南觀伊洛北望夷叔曠然